

四庫全書

子部

欽定四庫全書

子部
普濟方卷二百五十二

詳校官太醫院使臣張聲基

編修臣倉聖脈覆勘

總校官中書臣朱鈴

校對官中書臣范來宗

謄錄監生臣江晉

欽定四庫全書

普濟方卷二百五十二

明

周王朱櫛撰

諸毒門

解金銀銅鐵石毒

附論

夫金受五方精氣各有毒性不可謂之有利無害也服之適宜足以瘳疾服之非宜徒傷正氣當隨所畏惡以治之服石法亦若是。又云人皆以服石為佳殊不知惡瘡疥癰疫瘡疾年年常患寢食不安皆由於是非止

已身不康生子亦難育也所以服石之人終須受害要不可輕服五石也人年三十以上可服石藥若素肥充亦勿妄服四十以上必須之五十以上三年可服一劑六十以上二年可服一劑七十以上一年可服一劑。又云人年已上五十精華消歇服石猶得其力六十以上轉惡服石難得力所以常須服石令人手足溫暖骨體充實雖生冷舉措輕便復耐寒暑不著諸病是以大須服之凡石熱熟煉用之凡石之發當必惡寒頭痛心悶發

作有時狀如瘟瘧但有此兆無過取冷水淋之得寒乃
定止一切冷食惟酒須溫

方

薺芫湯 療石毒卒發者慄慄如寒或欲食或不食若
服紫石英發毒者亦寒悶昏喜卧起止無氣力或寒
是腑臟氣不和所生療之

薺芫

四兩

甘草

炙

藍子

各一兩

茯苓

黃芩

各二兩

蔓青

子

一升

人參

一兩

芍藥

一兩

右咬咀以水一斗煮蔓青子八升去滓子放藥煎取
三升去滓分三服日三服若虛弱加人參一兩若氣
上加茯苓薺芩一兩甚良

治銀毒方

黃連

去鬚

甘草

生剉各一兩

右麤搗篩以水三盞煎取二盞去滓復飲之

解金銀毒方

出千金方

用水銀服數兩即出若毒少者一兩亦可扶坐與吞

令入腹中即活一方以鷄汁及尿白燒猪脂和水
淋鷄屎汁煮蔥白汁鴨血及尿汁並能治之一方加人
參汁臘月猪脂為丸如豇豆大三丸並解之單用鴨
屎汁治銅鐵毒及金毒

治腹中有鐵方

用白折炭刮去末井花水服三錢不效再服

解服石藥中毒

出千金方方見
解金銀石毒類

解金毒方

出聖
惠方

用鴨血一盞每服半盞和鷄子清調下未效再服

解銀毒方

用石亭脂一兩為末煎甘草湯調下二錢每日三服效

治鐵毒方

出聖惠方

用磁石火煨醋淬二七遍一兩細搗研為粉醋煮麪糊丸如梧桐子大每服三十九水吞下未瘥更服

治丹砂毒方

用鹽五錢以冷水攪勻令澄旋旋服之

治百種乳毒方

用紫石英一兩為末每服一錢以溫水調下連三服

治硫黃毒方

用細辛去苗葉一兩搗羅為散每服一錢煮猪肉白湯調下冷服一方用白野鴿肉服之並解

治硝石毒方

用女苑一兩粗搗篩每服二錢以水一盞煎七分溫服不拘時候

治陽起石毒方

用菟絲子一兩不用酒浸搗羅為細末每服一錢以水調下三服立瘥

治雄黃毒方

出千金方

用防已一兩為細末每服二錢以溫水調下連進三服一方取汁解之並瘥

治礬石毒方

出千金方

用白鵝膏不拘多少研細服一匙大豆汁調下一方

單用大豆汁服之亦佳

黑鉛酒 治中金石藥毒

用黑鉛一斤淨錫鎔作汁投酒一升如此十數迴候
酒至半升去鉛頓服之效一方用井水磨下解砒毒
解丹毒方

用地漿服之最妙

壓丹石毒及解諸毒方

用生大豆煮汁服之甚良

又方 壓丹石去煩熱利小便止渴小兒熱瘧

取葛根浸搗汁飲之良

治服金石方

取括根苦酒中熬燥搗篩仍以苦酒和塗紙上攤貼
用之良妙

五加皮湯 治服諸藥石後或熱噤多向冷地上卧又
不食熱麴酒等物

用五加皮二兩以水四升煮取二升半候石發之時

便服未定更服

治硫黃忽發氣弱

用羊血服一合效

單葱白湯藥 療石毒沉體中數年或便發宜服之

葱白一升水五升煮一半去滓服未效再服三劑止

治丹石熱發

用菰根和鯽魚作羹食之三兩頓即瘥

療熱酒壓丹石

用田螺汁飲之不可常服解砒毒

治食金欲死方

用鷄糞半升水一升淋汁灌之如人行三二里再灌

馬通散 治石毒

赤馬糞

不拘多少水浸三日淘洗

右以砂鍋子煨存性入麝少許每服一錢溫酒調下
治中金藥毒方亦解衆毒止瀉洩及邪熱

取金蛇四寸炙令黃煮汁飲頻服之以瘥為度

治一切藥毒并蠱并解金石毒

用石蟹熟水磨服

治硫黃毒

煎餘甘子汁飲之以預其毒也

治硫黃毒

以黑錫煎湯解之忌食宿冷猪肉

解金銀藥毒

用黃龍眼以水研取半合空心少少服二十餘日瘥

治硫黃發徧身熱

以大麻油二合煎熟放溫以銅匙抄少許啜之日三

五服效

治服硫黃發動

以猪肉鴨羹及餘甘子湯並解之

食丹藥毒

用嬰粟子研去滓煎取腐入薑蜜和合萱草研汁服
四物湯香蘇散各一貼和煎藥解金鉛粉調地漿飲

之亦解淡竹葉濃煎服猪浮肋骨煎汁及研瓜蒌根
飲可解藍汁猪血菴豆以上並解之

服丹石毒

薄荷

黃芩

各五錢

芒硝

二錢

用蜜調嚼或傳

又方

用東引柳枝心甘松或加丁香木香為末可服可噙

解紫石英毒

以破麻鞋底水煮汁服之

犀角飲方 解丹石藥毒

犀角

鎔知母

防風

去蘆頭

甘草

四味各五錢

山梔子

杏仁

去皮尖

蔓荊子

地骨皮

白茯苓

去皮五味各一兩

黃芩

一兩五錢

柴胡

去苗二錢

右件咬咀每服五錢水一盞煎至七分去滓溫服

解諸飲食中毒

附論

夫五穀五菜五畜五果以至藥石皆能養性益壽延年

却老瘳疾蠲邪然有損益有利害不可不察飲食之間不可不慎哉。又云物性味有相須相得相畏相惡相得則良相須則用相畏則制其毒相惡則置而不用然則飲食有毒宜有解散除治之法也。又云嶺南俚人毒藥皆因食得之即覺漸不能食或五心中滿脹并背急悶似瘴微覺即取一片銀方寸餘含之一宿其銀變色即是著毒藥也銀色青是蠱藥若黃是菌藥不可不辨也。夫人一旦由飲食忽忽困悶少時轉甚乃至死

者名為飲食中毒言人假以毒物投於食裏而殺人但
頰內或懸癰內初如酸棗漸長大是中毒藥也急治則
瘥不治則毒入腹藏則死脉浮滑無陽微細不可知者
中毒也凡飲食有毒者傾於地下潰起者皆殺人也○
凡飲食雜味有相害相得則益體害則成病以此治疾
則皆難療所以病有不受藥療必至於死也今畧疏其
不可嘶物不須各題病名相知者善加慎之

方

解麪毒

以蘿菔啖之昔有婆羅僧東來見食麥麪者云此熱何以食之又見食中有蘿菔云賴有此以解性自此相傳食麪必啖蘆菔

解毒丸 解一切飲食毒及諸藥毒并療縊死磕死湯盪火燒氣色已絕但心頭熱者皆可治

五倍子

三兩

大戟

一兩

山茨菰

五錢

板藍根

五錢

續隨子

去皮

麝香

一錢

別研

石件為細末研勻水煮糯米和丸每一兩作一十九
陰乾用鷄鴨血為衣候經宿布袋掛當風酒下一丸
治鬱食中毒

取豆汁解之

治誤中鮑魚毒者

以黃耆吳藍煎湯服之此驚之屬頭足不縮者是

解飲食中毒及魚肉菜等毒

出千金方

苦參

一兩五錢

醇酒

二升一法用苦酒

同煎一升去滓令溫飲之得吐即愈或取甘汁藍汁
犀角汁飲之亦佳

解一切食毒及飲酒不知中何毒卒急無藥可解

出聖惠方

甘草

生 薺 芩 各二兩

右以細剉以水五盞同煎取二盞停冷去滓分三服
一方解一切藥毒加蜜少許同煎服之

解人一切毒飲方

生薑 甘草

炙各一兩

右各拍碎以水三盞煎取一盞半平旦空肚服分二服訖然後以別方治之

又方

出肘後方

常山

四兩

白鹽

二錢

右以水一斗浸之一宿以月盡之日五更用土釜中煎之勿令奴婢鷄犬見煎取二升於平旦分三服服少時即吐以銅盆盛之青色青以杖舉得五尺不斷者即是病吐盡候一日二日後更進一劑

乃良席辨曾飲酒得病月餘始覺首領梁墳將土常
山與之呼為一百頭牛藥服即瘥後二十日慎毒物
惟煮粥食之前後活凡九人

治食百物中毒

出十
金方

掘廁傍地深一尺以水滿坑中取廁籌七枚燒令烟盡
以投坑中乃取水汁飲四五升即愈急者不可得但
掘地著水即取飲之服生韭汁數升含貝母子一枚
須臾吐食物瘥

治食索粉片積方

出經驗良方

用紫蘇濃煎汁加杏泥服即散

治中豆腐毒方

出經驗良方

用蘿蔔煎湯如非時無蘿蔔用子煎湯亦可人有好食豆腐因中其毒醫治不效後更醫醫治中途適見做豆腐之家夫婦相爭因問云今早做豆腐妻誤將蘿蔔湯置豆腐鍋中今豆腐不成蓋豆腐畏蘿蔔也醫得其說至病家凡用湯俱使以蘿蔔煎湯或調或

嘔病者遂愈

治粽糍為積方

出經驗良方

用麴末加少木香末鹽湯調服口有酒香食積去矣
大治酒疾甚妙

治酒麴腫方

用參苓平胃散加白藥煎傷麴湯下酒亦然

辨飲食毒法

凡飲食傾澆於地上湧起者不可食食之皆殺人

治新中雜食瘵食不消心腹堅者

出金匱方

用白鹽二兩以水二大盞半分三服連併服取吐為效

黃龍湯

出千金方

治因食中毒

取竈底當釜直下掘取赤土搗羅為末以冷水隨多少服之或犀角水磨取汁飲大效亦治六畜肉毒驗

又方

右急取赤馬溺不拘多少每服飲一二盞

又方

取桑上葦破作段著釜中以水五升取二升漉出澄
清以火再煎沸經宿不食來晨空服三合則吐食瘕
每日服三合瘕羸者減服之

貝齒散 治食諸餅臠百物中毒及射罔在肉中毒

方見

中藥
毒類

解俚人一切毒飲

出肘
後方

用都淋藤十二兩以水一升酒二升煎取二升分三
服如人行十里進一服盡三服訖其藥毒遂大小便

出十日慎喫壅毒諸食不瘥更服以瘥為度又方療諸毒用此藤二兩長三寸并剉酒三升合安罌中密封以糠火燒四邊至三四時取出溫服良長令有酒色亦無所忌一方治初中俚人毒藥未得此藥即用黃藤十兩以水煮取二升分為三服藥毒內消

解鷄子毒方

出千金方

用淳酒解之

椒挂方

出金匱方

治蜀椒毒誤食欲死或下白沫身體冷

右用以急煎桂汁服之多飲冷水一二升忽食欲吐
漿煎濃斗汁服之或食蒜或飲地漿亦可慎不可熱
飲殺人中椒毒者含蒜及薺芫癢

治消熱麪毒

用枸杞葉及根皮細剉麪拌煮熟吞之良

犀角散

出肘後方

治人以堆肉作餅臃因食吐下

以犀角為末服方寸一方治服諸藥過劑心中悶亂
燒灰水服

治食飲損者方

右以葱豉湯加當歸一兩煎之去滓分服即瘥若不
見效即服蘆根湯

治有人夜間飲水誤吞水蛭入腹中經月累日必生小
蛭能食人肝血腹痛不可忍面目黃瘦全不進食不

早治能令人死

出危
氏方

用田中乾泥一塊小死魚三四箇將猪膏鎔油攪勻
用巴豆十粒去殼膜拌入泥內研爛為丸如菉豆大

用田中冷水吞下十九小兒只用三丸須臾大小水
蛭一時皆瀉出却以局方四物湯加黃芪煎服生血
補理

飲食毒 心煩悶者

以苦參煮汁飲之吐出即愈

解食牛馬猪羊犬鷄鴨魚蟹中毒

附論

夫禽獸品類有根性本毒者有無毒而食毒物者有雜
相畏相惡相因成者人不慎而食之致傷臟腑之和亂

腸胃之氣或輕或重各隨其毒而為害 凡六畜者謂牛馬豬羊鷄狗也此等本無毒不害人其自死及著疫者則有毒人食之中此毒者則令人心神煩悶而吐利無度是也。凡六毒五臟著草自動搖及得醋醎不變色又墮不污又與犬犬不肯食者皆有毒殺人。凡牛肉有毒者由毒蛇在草中牛食草因誤噉蛇則死亦有蛇吐毒著於草上牛食其草亦死此牛肉則有大毒又因瘦病而死者亦有毒食之則令人心悶身體痺甚者

乃吐逆下痢腹痛不可忍因此而致死者非一也。○凡駿馬肉及馬鞍之下肉皆有毒不可食之食之則殺人其有常馬肉則無毒或因疫死食之則有毒中於人也。○凡猪無毒其間野放或食雜物而遇死此則肉有毒人食之則毒入臟腑故令人吐痢困悶不安也。○凡狗肉性甚燥熱不可多食其疫死及獠死者皆有毒食之難消故令人腹脹心煩急躁悶亂也。○凡鴨肉本無毒不能損人偶食之觸令不消因結積聚成腹內之病也。

○凡禽獸自死者肝皆有毒不可食往往傷人其疫死者彌甚被其毒也者多涸痢嘔吐而悶不安也。○凡猪肉脯若放在茅草屋雨漏則有大毒人食乃成暴癰不可治亦有始食下即殺人也。○凡猪肉脯炙之不動得水則動故不可食。○凡脯肉及熟肉皆不可深密收藏令氣不泄食之殺人也。○凡射罔獵人多用罔藥塗箭頭以射蟲鹿傷皮則死以其有毒故也。○人獲此肉除中箭去毒處肉不食餘可食若誤食肉則被毒致死其有不死

者所食肉處去毒箭較遠毒氣不深其毒則輕雖不死
令人困悶身體痺不安并吐痢者是其候也其罔藥者
以生鳥頭汁煎之是也○凡齬肉者謂諸生肉及熟肉
內器中密閉其氣壅積不泄則為齬肉有毒不幸而食
之乃殺人其輕者亦悶亂不安也○凡可食之肉不甚
有毒自死者多因疫氣所斃則有毒若食此肉便令人
悶亂吐痢無度是中毒也○凡食諸魚中毒者皆由魚
在水中食毒蟲惡草則有毒人食之不能消化即令悶

亂不安也。○凡蟹食水潦水潦有大毒故蟹亦有毒若中其毒則煩亂欲死如經霜已後遇毒即不能殺害人未被霜蟹煮之則多有中毒故令人悶亂精神不安也

方

獺肝丸

出聖惠方

治食魚鱠不消生瘕常欲須鱠者方

獺骨肝肺

乾胡

大黃

各八分

蘆根

鵲骨

各七分

桔梗

五分

乾薑

桂心

各四分

斑猫

二十枚炙

右為末蜜丸酒服十九至十五丸即消

五蠱黃丸

一名萬病丸
出千金方

尚治食蟹中毒煩亂欲死者服

得吐下皆瘥

雄黃

一兩以水從旦至
夜煎之取出別研

莽草

取葉水煎洗
曝乾一兩

蜈蚣

一條

去頭尾
炙研細

巴豆

二十枚去皮
心炒研勻

鬼臼

一兩

右搗羅三味為末別研巴豆雄黃和勻煉蜜為丸如
小豆大瓷器中盛每服三丸至五丸米飲下一方治

諸蟲亦依此方

治食諸肉中毒方

出聖惠方

尚治遇冷不消成虫癥

大黃

炒一兩

朴硝

研一兩

杏仁

打破和皮一兩

右為粗末每服三錢以水一盞煎至七分服

橘薑丸

出卜便良方

為治食魚中毒

陳橘皮

湯浸去白焙為末

生薑

去皮切碎搗甚爛

豆豉

為末一方有冬瓜汁

右各等分同和桐子大每服二十九茶清下三服吐

出神效

三聖飲 治蟹腹中有毒食之或將死急治之

大黃汁 紫草汁 冬瓜汁

右取汁共一大盞飲之立效

治食蟹中毒方

出聖惠方

生藕汁 蒜汁 冬瓜汁

右各取汁自各飲之或一汁已解別汁不用飲一方專用紫蘇汁飲之蘇子汁亦可一方專用冬瓜汁服二升

治食馬肉血洞下欲死方

出聖惠方

豉

二百粒

杏仁

二十枚

普濟方

右呖咀蒸五升米飲下熟搗之再服令盡又用甘豆湯冷飲能解諸毒又方煮蘆根汁飲之良

厚朴飲

出聖惠方

治食魚鱸及生肉在胸膈中不化吐不

出便成癥瘕

厚朴

三兩

大黃

二兩

右呖咀以水二升煮取一升盡服立消人強者大黃用酒三升取二升再服

治食魚鱸不消

及食諸魚中毒方

大黃

二兩切

朴硝

二兩

右以酒二升煮取一升頓服之中景方橘皮一兩肘後方云食猪過冷不消必成癥瘕一方無橘皮一方煎生薑汁服

治食六畜肉中毒方

出聖惠方

右取六畜乾屎為末水服佳一方專肉毒以大糞服之良

又方

出聖惠方

燒小豆一升為末服三方寸甚良一方服灶底黃土

方寸

治食生肉中毒方

掘地深三尺取下土三升以水五升煮土五六沸取

上浮清者飲一升立愈

治食野菜馬肝肉諸脯肉毒方

出聖惠方

取頭垢如棗核大水吞之神驗一方燒狗屎灰水和

絞取汁

又方

出聖惠方

燒猪骨為末水服方寸每日三服一方燒笠子末服

方寸亦瘥

治食百獸肝中毒

出千金方

大凡食物自不可輕食自死者

諸心皆勿食

猪脂一斤頓服佳亦治陳肉毒

治生食馬肝毒殺人方

出聖惠方

取北鼠屎二七枚兩頭尖者是以水研飲之不瘥更

作一方用雄鼠屎即瘥

治食猪肉毒方

出聖惠方

右燒猪屎為末服方寸以犬屎亦佳

治食魚中毒方

出聖惠方

以水煮橘皮停極冷飲之立驗一方用大小黑豆取汁服之或用朴硝汁服之並瘥一方大黃汁亦解

治食魚中毒面腫煩亂以及鱸魚中毒欲死者并食鯪魚中毒

劉蘆根舂取汁多飲一方治蟹毒取蘆葦茸汁飲之
愈一方治食馬肉中毒飲蘆根汁亦可兼作湯浴之

尤妙

出千金方

治食魚鱸不消 及食諸魚中毒不療必成癥瘕

出聖惠方

舂馬鞭草飲汁一升即消生薑亦良薑葉汁一升亦
消又可服吐藥吐之

又方

出聖惠方

取鮐魚皮燒灰水服無完皮壞刀裝取之一名鮫魚

皮或魚皮亦可大治食鱖鱓魚毒欲死者甚驗一方

魚皮燒灰水服

又方

出千金方

取魚鱗燒灰水服方寸食諸鮑魚中毒亦用之

治食鵝鴨肉成病胸滿面赤不下食者方

出千金聖惠方

以秫米泔服之良一方糯米煮服一中盛

治食狗肉不消心中堅或腹脹口乾大渴心急發熱狂

言妄語或洞下方

出聖惠方

用杏仁一升去皮研以沸湯三升和絞取汁三服狗
肉完片皆出即淨良驗

治食牛肉中毒方

出聖
惠方

以狼牙燒灰水服方寸良又云猪牙亦可一方以甘
草煮汁飲之並瘥一方以猪脂煉為油服之亦妙

治食六畜肝中毒方

出十便
良方

大凡物肝臟不可輕啖自

死者彌勿食之

用豉一兩以水浸絞取汁旋服亦治食躁

誤食諸毒方

方見治六
畜肉毒類

治鳥獸中毒箭其內有毒解之方

出肘
後方

用藍青三握細切搗取汁每服一盞飲之肘後方加
大豆汁鹽汁服之解

治食魚中毒方

用冬瓜一枚小者洗淨搗絞汁一大盞旋旋飲之效
或甜瓜取絞汁飲之亦得亦治食蟹中毒

解河豚毒方

出德
生堂

五倍子 白礬

右等分為細末水調灌之

又方

出百一選方

以槐花腦子為細末水調灌之

治食蟹反惡方

出德生堂

昔一人食大蟹數枚誤食红柿至夜大吐繼以血昏
不醒人事同邸有知其故者憂之以木香作餅子幹
開病人口遂調藥灌下神效以木香嚼尤妙

治食噉蛇牛肉殺人大凡髮向後順者是也食之欲死

出聖

惠方

飲人乳汁一升立愈右以泔洗頭飲一升愈又牛肚
細切以水二升煮取一升煖飲之大汗出者愈

治食鯽魚不得食沙糖令人成疳丹石熱毒發

取艾首和鯽魚作羹食一兩頓即愈

治食自死鳥獸肝中毒

出聖
惠方

取故頭巾垢一錢以熱湯中烱服之亦治卒心痛以

沸湯取汁飲之頭巾即髻帛也又方飲豉數升良

治食牛馬肉及肝中毒

先剉頭髮令寸長拌和土作溲泥二升合和飲之須

臾髮皆貫所食肝出

治食牛羊肉中毒

出肘後方方見
六畜肉毒類

治食猪肉馬肝漏脯中毒

出傳信
適用方

用大蒜燒末服或猪脂清調下方可或單用生蒜汁
服之亦瘥

治食狗肉不消心下堅或腹脹口乾或發熱暈亂

出肘後方

以煮蘆根飲之

治中驚蝦蟇毒方及治六畜鳥獸肝中毒

取生豉一大合新汲水半碗浸令豉水濃頓服之即
瘥此三味令人小便秘臍下痛有一士人嘗云此三
味大小皆可殺人之令人小便秘臍下痛至死者
又方

取五味生為末一二錢井水調下

治食自死六畜諸肉中毒

搗黃藥末以水和方寸服未覺再服瘥一方用犀角屑水調服之

治食黍米中藏乾脯中毒方

出金匱方

濃煮大豆汁飲數升即解亦治狸肉漏脯等毒

治鯉魚毒方

用菓樹葡萄樹葉刺蟻灰醋糟搗細用火焙熟食之

食河豚毒

出本草

以蘆根并橄攪解之

治食生肝中毒

出聖
惠方

用附子一枚炮製去皮劑為末溫水服一錢日三服
薑湯下亦可

治漏脯毒并及諸食鬱肉方

出聖
惠方

用搗韭汁服之良大豆汁亦得一方治食百物中毒
單用韭汁數升服之

治鬱濕脯毒及生肉熟肉皆不用深藏密蓋不泄氣殺

人又肉汁在器密蓋氣不泄者亦殺人張文中云肉

閉密器中經宿者為靜

出千金方

以燒狗屎為末水服方寸以酒服尤佳每服人乳汁

亦良飲生韭汁三升亦得

治脯在黍米中毒方

出聖惠方

用麵一兩鹽二撮以水一升煮服之良

治食鬱肉漏脯毒方

出肘後方

以燒人屎灰酒服之方寸

治食生脯過多筋痛悶絕

煮細漿水粥以少鷹糞末攪和服三五合鷄屎亦可

治河豚毒等諸毒

來安縣主簿李絃云度白塔寨丁未春有二卒一候
兵同食河豚既醉燒子併食之遂皆中毒人急以告
巡檢二卒以困殆倉卒無藥因令取麻油獨以麻油
灌候兵者既多大吐毒物盡出腹間頓寬以此無恙
治中河豚等諸毒

用槐花不拘多少為細末如中諸毒每服三錢用河水調下井水亦得若能未食前先服尤妙

六畜自死

皆是遭疫有毒食之致洞下亦致堅積宜以利丸下解毒

右急用濃煮香蘇飲汁一升

中猪肉毒

用壁土用水煎一錢服之又燒白扁豆末黃蘗末並

解

中禽魚毒食鵝鳥毒

生扁豆末溫水下又葛粉末調下又生螺肉並酢食
鮎毒生苦蕒嚼及搗水飲

治河豚魚毒

用白礬末湯點服河豚能殺人服此毒自消累用效
治食班魚子毒方 治誤食班魚子吐不止者

用取魚尾草研汁服少許立止魚尾草又名櫟木根

形似黃荊八月間開紫花成穗葉似水楊無大樹經
冬不凋漁人以藥魚

中山鷄鵲毒方

南唐相馮延巳苦腦中痛累日不減太醫令吳延紹
密詰廚人曰相公平日嗜何物對曰多食山鷄鵲
延紹曰吾得之矣投以甘豆湯而愈蓋山鷄鵲皆
常食烏頭半夏故以此解毒

勝金散

槐花 染坯

右等分生為細末每服一錢汲井水調下常熟一家專貨此藥每服百金藉之稍溫錢倅儀家傳得之

又方 解鰻毒

擗樹皮或櫟木子或苔菜或冬青葉皆酒浸服

又方 解鱉毒

灰汁洗鐵漿菜等皆可服

又方 解服毒

以麻油炒砂焦熟帛裏縛熨之

又方 解蟹毒

未破者醋炒石灰縛傳已破水調酒糟皆效

服天門冬食鯉魚中毒

以浮萍解之

解食牛馬肉毒腹痛吐痢不止者

出本草

以麻鞋底水煮汁服之

解馬肝牛肉毒

出本草

以人乳汁合豉濃汁服之神效

治食魚膾腹中脹滿成瘕痛悶飲食不下日漸瘦

出本草

取水中石子數十枚火燒赤投五升水中各七遍取熱飲之如此三五度當利出瘕也

中魚毒方 虞侍郎蘇州人平生善食鱸中年病堅腹難側身每發疼痛幾死累治不效一善醫切脉曰侍即右關脉伏為積聚生冷之積成瘕在腹則痛不可忍取藥令用橄欖汁吞九子藥數粒晚下痢一盆許

皆鱸縷前一半皆成魚矣從此遂安

治人食著諸毒肉吐血不止痿悴者

出本草

取胡葱子洗煮使碎破取汁停冷服半升日一服夜

一服血定止

治人誤食鰥鮓肝而迷悶者

出本草方見解諸毒類解諸毒方

治誤食水蛭

水蛭即馬蝗出經驗良方

用酒及土藍靛絞汁月頭初三四日空心服

治誤吞蜈蚣

出朱氏集驗方

用生豬血令病人喫須臾生清油灌口中惡心其蜈蚣滾在血中吐出繼與雄黃細研水調服愈昔有村店婦人因用火筒吹火不知筒中有蜈蚣藏焉用以吹火蜈蚣驚逆竄入喉中不覺下胸求救人無措手適有人云可討小猪一箇斷喉取血飲之遂愈治蛇蟲食飲中得之咽中如有物嚙不下吐不出者服馬兜鈴即出又服麝香一錢即吐蟲毒治食鱸魚肝鯪魚中毒及食魚蟹毒

右用蘆根剉煮汁一二升飲之亦以蓬蒿濃煮汁服之佳

治食蟹中毒

以生藕汁服之或者煮乾蒜汁或冬瓜汁服之並佳

治飲食中毒以及魚肉菜等

用苦參三兩酒二升半煮取一升服吐愈梅師方用醋煎或取犀角一升亦佳

治食蟹中毒

以紫蘇煮汁飲之以子煮汁亦得蟹未經霜多毒

治食魚中毒

以絞魚燒末服之

解食諸菜菓蕈菌中毒

附論

朽木生蕈腐土生菌二者皆陰濕之地氣蒸鬱所生也
即非冲和所產性必有毒若誤食之令人吐利不已心
腹切痛甚者身黑而死菜亦生於陰濕食之過多或與
菌草同性有反惡能害人可不慎哉。凡園圃所種

之菜元本無毒但葷菌之物皆是草變化所生出於樹者為葷生於地者為菌並是鬱蒸濕氣變化所生有毒者人食遇此毒多至於死甚迅速也其不死者。能令人煩悶吐利食久始醒也

方

甘草散

出聖惠方

治食諸菜菌葷中毒

甘草

炙

貝母

胡粉

各一兩

右為散每服二錢以水調下小兒尿乳汁共服二升

亦好

治食諸葷并菌中毒方

生薑

切細四兩

豆漿

四兩

麻油

二兩五錢

右和研勻，楪盛，甑上蒸一炊許，時取出不拘時候，時食之，諸毒立解。

治諸食中毒方

童子小便

人乳汁

各半盞

右和勻，微煎過，溫分二服，連併服之。

又方

鷄毛

燒灰一分

鷄屎

燒灰一分

右細研和勻每服一錢用豆漿水少許研酒下三服效
治食諸菜中毒方

用豆漿不拘多少逐旋量多少食之一方治食菜菓
中蛇毒以大麥酒浸汁半升服之妙

又方

出聖惠方

治食諸菜菓茵中毒方并急躁發狂煩悶

吐下欲死者

右用鷄屎燒灰研為末每服五分用好豆漿半匙細研和藥溫酒調下連併三服立醒一方用水調一錢

又方

出醫方集成

治療食葷并菌中毒致殺人者及食楓菌

至令人笑不止者並皆治之蓋菌種類不一往往蛇虺毒氣薰蒸而成耳

掘地作坑用新汲水投坑中攪之成濁混取出以絹濾過用瓷器盛每服時打轉飲一盞至三盞當效又食椒攪可解服諸吐利藥丸亦佳

治食苦瓠中毒方

出聖
惠方

用黍穰剉半升以水三升煮取一升時時服之一方
用黍煮汁飲之

葛根飲

出聖
惠方

治食諸菜中毒發狂煩悶吐下欲死者
用葛根煮汁飲之

又方

出聖
惠方

治菜菓中毒

以鷄血和真鐵精吞如梧子大每服以溫水下一丸

治食野菌毒方

方見本門
解菌毒類

又方

出千金方

治食山中樹中菌中毒并食楓樹上菌令

人笑不止者

取人屎服一升良煎魚魷汁服之即愈又用大豆汁

飲之亦可

治葦毒欲死及治菌毒

出百選方

用石魚頭白水煮濃汁灌之即愈如無生者鰲頭亦得

又方

出經驗良方

治中葦毒同菰毒

用左纏藤梗煎汁服又治癰疽尤妙或傳或服皆良

解孤子毒及解一切菌毒

出危氏方

用芫花生者為末每服一錢新汲水下以利為妙

治食桃子傷方

取桃樹間裊桃燒服之漸吐即愈

解誤食菌中毒及葛毒方

出肘後方

以葶薺搗水服之一方用左纏藤取其葉生嚼喫並
解一云種芋三年不收者成野芋故殺人也

治食菹菜誤吞水蛭蛭藏血腸痛漸黃瘦者

出肘後方

飲羊牛熱血一二升許經一宿便煖猪脂一升飲之

便下蛭食

治食諸果中毒方

出千金方

用猪骨燒過為末水服方寸亦治馬肝漏脯等毒

治食菜中毒發狂煩悶吐欲死方

出聖惠方

取鷄毛燒為灰以水調服二錢瘥

治食菜及菓子中蛇毒方

出聖惠方

用黑豆末以酒漬取汁服之

中蒿菜毒方

王順求云蒿菜出過園有毒百虫不敢近蛇虺過其
下誤觸之則目瞑不見物人有中其毒者惟生薑汁
解之

解菓菜毒豆粉毒

以杏仁細嚼冷水吞下 荔枝毒泡鹽湯又蜜解

瓜毒瓜皮湯解鹽湯亦可 柑毒柑皮湯解鹽湯亦

可解

治中菰菌毒方

以茱萸煎湯服吐下即解或熟艾煮三五盞或犬項下取熱血灌之雄鷄血亦可

中葷毒方

崇寧間蘇州太平山白雲寺五僧行山間得葷一叢甚大摘而煮食之至夜發吐三人急用鴛鴦草生啖遂愈二人不甚肯啖吐至死此草藤蔓而生對開白

花傍水依山處有之治癰疽腫毒尤妙或服或傳今人皆謂之金銀花又曰老翁鬚本草名忍冬草

解野菌毒 北夢鎖言野菌毒人而笑者

煎魚魷汁服僧光遠云夷堅志云急採鴛鴦草生啖之即愈中菌毒殺人者以防風三十枝剉碎以水煎候冷灌之立愈白水濃煮石首魚頭汁灌之無不愈食生梨葉解菌毒地漿飲三盞愈又多食橄欖愈

治食野菌毒

出本草

以蓮葉蓮房水煮服之

凡菜中有水葇菰藥園而有光有毒誤食之令人狂亂
若中風或吐甘草煮汁服之即解

出本草

麝香圓 消爪藥水毒

肉桂

去粗皮

人參

去蘆頭五錢

丁香

一兩

白茯苓

去皮一兩

甘草

二兩炙

青鹽

二錢

麝香

一錢五分別研

乾木灰

四兩

右件為細末次入麝香青鹽同研勻煉蜜為丸每兩
作十五丸每服一九細嚼新汲水下傷冷嘔吐生薑

湯下

治人食楓樹上生菌即令笑不止

出本草

以土漿屎汁飲之愈

蟲毒 附論

夫蟲毒千品種種不同或下鮮血或好卧闇室不欲光明或心性反常乍嗔乍喜或四肢沉重或百節酸疼如此種種狀貌說不可盡有得之三年乃死急者一月或百日即死其死皆於九孔中或於脇下肉中出去所以

出門常須帶雄黃麝香神丹諸大辟惡藥則百蠱貓鬼
狐狸老物精魅永不敢着人生之家須慮此俗有灸法
神蠱於心下捺便大炷灸一百壯并主猫鬼亦得愈又
當是小指尖上灸三壯當有物出酒上得者有酒出飯
食得者有飯出肉菜上得者有肉菜出即愈神驗皆於
灸瘡上出○凡人患積年之久大黑如漆或堅或薄或
微赤者皆是蠱也凡下忽患下血以斷方治更增劇者
此是中蠱也○凡卒患血痢或赤或黑無有多少皆是

蠱毒粗醫以斷痢藥處之大非也。凡人中蠱毒以病人者若服藥知蠱主姓名當便呼喚將去若欲知蠱主姓名以敗鼓皮燒作末以飲服方寸須臾自呼蠱姓名可驅令去則愈又有以蛇蛭合作蠱藥着飲食中使人得瘕病此一積年乃使療之各自有藥江南山左間人有此不可不信之。蠱之為毒醫書所載雖有數種而中土少見之今古所傳多是閩廣深山之人於端午日以蛇虺蜈蚣蝦蟆三物同器貯之聽其互相食啖候一

物獨存者則謂之蠱欲害其人密取其毒於酒食中啖之若中毒者令人心腹絞痛如有虫咬吐下血皆如爛肉若不即治食五臟即死然此毒中人有緩有急急者十數日便死緩者待以數月氣力羸敗食盡五臟而後死死則其毒流注於傍人亦成蠱注治療之法必須審而後行今人凡有積聚脹滿之病類乎蠱者便以為蠱尤為非也世說閩深山人專有以蠱行毒於人者若素知其姓名呼喚將去其病自愈又有一說病者若能知

元中毒於何物之中終身不服此物其毒亦不變作○
又云蠱毒千品種種不同有得三年方死有一月或百
日乃死者其病症亦各有異或吐下鮮血或如卧闇室
或心性反常乍嗔乍喜或四肢沉重痠痛緩與急皆有
殊也具以五蠱推之有蛇蠱有蜥蜴有蠃蜋有蝦蟆有
草蠱若蛇蠱者面色青黃脉洪壯病發之時腹內熱悶
胸脇支滿舌本脹強不喜言語身體常痛心腹似蠱形
顏色赤唇口乾燥經年不治肝膈爛而死蜥蜴蠱者面

色黃黑其脉浮滑而短病發之時腰背微痛手脚唇口
皆習習而喉脉急舌上生瘡二百日不治噉人肝心盡
爛下膿血羸瘦顏色枯黑而死蝦蟆蠱者面色青白其
濡發時咽喉塞不欲聞人語腹內鳴呼或上或下若天
陰久雨而病轉劇皮肉如行蠱手脚煩熱嗜食欬唾膿
血顏色乍白乍青腹內脹滿狀如蝦蟆若成蠱吐出成
蚪蚪形是蝦蟆蠱經年不治噉人脾胃俱盡唇口裂而
死蠃螬蠱者脉緩而散病發之時身體乍冷乍熱手脚

煩疼吐逆無時小便黃赤腹內疼胸中痛顏色多青或
吐出似蜚蠊有足翅是蜚蠊蠱經年不治噉人血脉枯
盡即死欲試蠱與非當令病人唾於水內沉者是蠱浮
者非也又云旦起取井花水未食前當令病人唾於水
內唾如柱脚直下沉者是蠱毒沉散不至下者是草蠱
毒又方含大豆若是蠱豆脹皮脫若非蠱豆不爛脫又
云以鵠皮置病人卧下勿令知若病劇者是蠱又云取
新生鷄子煮熟去皮留黃白令完全日晚口含以齒微

齧之勿令破作兩炊時夜吐瓦上著霜露內旦看大青
是蠱毒也昔有人食新變鯉魚中毒病心腹痛心下硬
發煩悶欲得水洗沃身體搖動如魚得水狀有人診云
是蠱其家云野間相承無此毒不作蠱治遂死○大凡
人體弱自不可輕於濯江南有射工毒其色黑形如肉
鱗口中橫骨如角弓生溪間內或因雨潦逐水而入人
家含沙射人之影得之寒熱悶亂頭目俱痛亦如中尸
卒不能言又水毒虫一名溪溫得之病狀與射工相若

但有爛瘡為射工無瘡為溪溫特少異耳又沙風虫細如疥虫視不得見遇陰雨則行出草間著人身則鑽入皮裏刺如針芒是三者為病朝輕暮劇皆能殺人以方術灸法灸之若治之不早變生飛蠱倏入患軀噉食五臟而死矣挑生之毒其類是乎挑生多於飲食過度凡魚肉菓菜茶湯酒醋之中皆可挑毒以中人自嶺以南率多有此其候初覺胸腹作痛次則漸漸如刺十日生於腹中生則能動矣治法胸痛則為生在上膈腹痛則

為生在下膈如上膈者用膽礬五分投入一盞熱茶之內候礬烱連口服之少頃以鷄翎攪刺喉中取吐在下焦者用川礬金二錢末之米湯調下即瀉出惡物吐瀉以後以人參一分白朮茯苓倍之碎為粗末新汲水入磁瓶中慢火煨至半日每盞連口服日兩劑又廣山谷間有草曰胡蔓草亦曰斷腸草或以藥人急水吞之急死緩水吞之緩死又有取毒蛇殺之以草覆蛇汲水酒草數日菌生採取為末入酒毒人始亦無患後再飲

酒毒發立死其俗淫婦多遇合北人情好雖稠不肯令
歸陰以藥置食中與之還即叩之曰子某年來若從其
說復以藥解之若過期不來則斃矣。又云猫鬼者云
是老狸野物之類變為死蜮而依附於人人畜事之
猶如事蠱以毒害人其病狀心腹刺痛食人臟腑吐血
痢血而死又野道者是無主之蠱也人有畜事蠱以毒
害人為惡既積乃至死滅絕其蠱則無所依止浮游田
野道路之間有犯害人者其病發猶是蠱之狀但以其

於田野道路得之故謂之道也

方

大金牙散 治一切蠱毒百症不祥醫所不治

金牙 鸛骨 石膏 斑猫 活草子 胡燕屎

白朮 雷丸 龍牙 銅鏡鼻 梔子仁 乾

漆 龜甲 鼈甲 鬼督郵 桃白皮 大黃

各四

分桂心 芍藥 徐長卿 羚羊角 射干 升

麻 鳶尾 馬日毒公 蜂房 細辛 乾薑

芒硝 田跂 犀角 甘草 狼毒 蜚螋 龍

膽 狼牙 雄黃 真珠各三分 芫花 莽草 射

罔 烏梅各一分 蛇脫皮一尺 鐵精 赤小豆研一合 地

膽 擣雞 芫青各七枚 桃奴 巴豆各二枚

右治下篩服一刀圭稍加至二刀圭帶之辟百邪治
九十九種一方有麝香無白朮

紫參丸 治蠱注百病癥瘕稍聚酸削骨肉大小便不
利卒遇惡風臚脹腹滿淋水轉相注殫門盡戶延及

內外族醫不能治者

紫參 人參 半夏洗 藜蘆 代赭石 桔梗

白薇 肉苁蓉各三分 石膏一分 大黃一分 牡蠣一分 丹

參一分 蝦蟆炙 巴豆七十枚去皮心熬 烏頭炮四分 狼毒七分 附

子炮五分

右搗篩蜜丸如小豆大以米飲下一丸日三服老小
以意加減

人參丸 治蠱注四肢浮腫肌膚消瘦欬逆腹大水壯

漏泄

人參 紫參 半夏

湯炮七次去滑

藜蘆

炒

代赭石

研

桔

梗

炒

白薇

肉蓯蓉

酒浸切焙

石膏

碎

牡蠣粉

丹參

各三分

乾蝦蟆

灰

狼毒

炒

附子

炮裂去皮臍各一兩

巴豆

七十枚去

皮心膜油

右搗研為末煉蜜丸如梧桐子大每服一九至三九

量虛實米飲下

犀角丸

治蠱毒百病腹暴痛飛尸惡氣腫

犀角屑 鬼臼屑 桂心末 羚羊角各四錢 天雄

莽草 真珠 雄黃各一兩 貝母子五枚 蜈蚣五節

巴豆五十枚 麝香 射罔如雞子黃大一枚

右為末合搗蜜丸如小豆服一九含咽不知少增之
卒得腹滿蜚尸服如大豆許二九若惡氣腫以苦酒
和塗上縫袋子盛藥繫左臂辟不祥鬼疰蟲毒可以
備急一方無天雄大黃空心米飲下一二九

北地太守酒 治萬病蠱毒風氣寒熱方一名烏頭酒

烏頭 甘草 芎藭 黃芩 桂心 藜蘆 附

子

各四兩

白鯁

桔梗

半夏

栝子仁

前胡

麥門冬

各六兩

右七月麴十斤秫米一斛如醖酒法以吒藥以絹袋盛之沉於甕底酒熟去糟還取藥滓以青布袋盛沉著酒底泥頭秋七日夏五日冬十日空腹服一合日三服以為度藥有小毒故以青布盛之斷勿中止二十日大有病出其狀如漆五十日病悉愈有婦人年

五十被病連年腹中積聚冷熱不調時時切痛遶臍
絞急上氣胸滿二十餘年服藥二七日所下三四次
即愈又有女病徧枯絕產服二十日吐黑物大如刀
帶長三尺許即愈期年生子又有女人小得癰疾服
十八日出血二升半愈有人被杖崩血內室卧著九
年服藥十三日出黑血二三升愈有人耳聾十七年
服三十五日鼻中出血三升耳中出黃水五升便愈
古方云喜平二年北地太守臣光上造此主蠱毒有

人中蠱毒者服無不愈極難瘥者不過二七所有效
莫不脩出曾有一女年四十餘歲徧枯羸瘦不能起
長床枕聾耳一無能聞兩手不收已經三年余為合
之遂得平復如舊有人中蠱毒而先患風服茵芋酒
傷多吐出蠱數十枚遂愈何況此酒何不下蠱也加
其功效有異常方故具述焉

雄黃丸

一名太乙
五蠱丸

治五蠱吐血傷心腹中寒語聲中

出氣悶飲食不吐逆身體浮腫頭疼戰慄與鬼交

狐狸作魅卒得心痛上叉心胸或痛如刀刺經年不

起

方見虫毒
吐血類

保靈丹

出直
指方

治蠱毒諸毒一切藥毒朱氏方云往時

蜀喜行毒而成都故事歲以天中重陽時開大慈寺

聚人物出百貨其間號名藥市者於是有於窻隙間

呼貨藥一聲識其意極投以千錢乃從窻隙度藥一粒

號解毒丸一粒救一人命夫迹既巨測故時多疑之

政和間祐陵以仁聖惠天下嘗即上清寶錄宮之前

新作兩亭左曰濟人主給藥治病苦右曰輔正主符
水除鬼邪遂詔海內凡藥之治彰彰有聲者悉索方
書而上之於是成都守監司奉命相共窮其狀乃得
售解毒丸者蓋其懼行毒者為讎害故匿其迹非有
所謂仙者既據方修治得其全即并藥奏御下殿中
省占朕自施天子所服御以濟元元毋煩有司也繇
是殿中省令羣醫驗之則王氏博濟方之保靈丹爾
是時猶子行適領殿中監事故獨得其詳吳子南攜

之嘗救兩人食胡蔓草毒得不死蓋不可不書

硃砂

研細一兩

大山豆

五錢

雄黃黃丹

麝香黃藥

子續隨子

生并末各二錢五分

川巴豆

肥者二錢五分取肉不去油

斑

猫

二錢五分去頭翅足

糯米

半炒半生用

赤蜈蚣

二條一炙一生

右入乳鉢研和用糯米稀糊丸如圓眼大陰乾磁合收每服一丸好茶清吞下不得嚼破須臾病人自覺心頭如拽斷皮條聲將次毒物下或自口出或大便出嫩則是血老則成驚或蠅蜋諸雜帶命之物藥丸

凝血并下以水洗淨收之可救三人如中蠱口噤即挑開如幹牙不開打落牙一兩枚下藥若蛇蝎蜈蚣諸毒以好醋磨傳患處立解服藥已效如知毒害之家不必研究若訴知其毒再發不救瘡後更忌酒肉毒食一月為軟飯可也或急用但擇吉日精潔修合不急宜用端午日重陽修合勿令鷄犬婦人見之

鮫魚皮散

治諸蠱注氣變化無常

鮫魚皮

微炒

犀角鎔 麝香 白龍骨

丹砂

研

雄

黃研

蘘荷根

鹿角

俱銹各一分

蜈蚣

炙去足一條

右除研外搗羅為散共和令勻每服二錢以溫酒調下日三服一方有椒一分乾薑一分貝子十枚鷄舌

香一分

聖惠丸

出直指方

治蠱毒心腹堅痛羸瘵骨立面目黃瘦

硃砂

研

雄黃

研細各七錢五分

藜蘆

去蘆頭

莽草

微炙

鬼臼

去

各五錢

肥巴豆肉

十五粒去油

麝香

一錢

斑猫

去翅足三錢糯米炒黃

青色大蝦蟆

一個燒存性研細末

右為細末煉蜜和搗五百杵丸如小豆大每服五丸
空心酒下少刻更喫粥一盞利出虫蛇惡物若不吐
痢更服二丸必效一方無青大蝦蟆

石刻方 治蠱毒宋嘉祐中范吏部道為福州守日揭
方於石云凡中蠱毒無論年代近遠但煮一鴨卵插銀
釵於內病者嚙之約一食頃取視釵卵俱黑即中毒
其方用

五倍子

二兩

硫黃末

一錢

甘草

二寸半
生半炙

丁香

木香

麝香

米粉

各少許

糯米

二十粒

右用十分放瓶內煎七分候藥面生皺為熟絹濾去滓通口服病人平正仰卧令頭高覺腹中有物衝心者三即不得動若出一盆桶盛之鯨魚之類乃俟惡物吐罷飲茶一盞瀉無妨旋煮白粥補忌生冷油膩鮓醬十日後服解毒丸三五丸經旬平復

雄黃丸

主蠱毒中藥欲死

雄黃

研

硃砂

研

藜蘆

炙

馬日毒公

巴豆

去心皮

炒各二

粒

分
皂角炙去皮
子二分
莽草二分

右搗篩以蜜丸如大豆許水服三丸當轉下先痢清水次出蛇等當煩悶者依常法可用鴨羹補之忌生猪肉冷水及蘆笋狸肉妙

治一切蠱毒邪妖鬼症病者有進有退積聚堅結痛如切齒不可坐卧及時行惡氣瘟病風熱瘴氣相傳染或時熱如瘡癰咽喉腫塞不下飲食或煩滿短氣面目赤或目中赤黃或乾嘔或吐逆或下赤白痢或

熱如蒸或欲狂走自殺或如見鬼或手足冷或熱而
飲冷水不知足或使手掇空或面目癰腫生瘡耳聾
目暗頭項背脊強不得屈伸或手足卒癢或百鬼惡
症狐魅入體痛無常處方

出千金方

麝香 丹砂 特生礬石 馬目毒公 馬齒礬

雄黃

各一兩

巴豆

九十粒

青野葛

三兩一方不用

右為末別搗巴豆如膏合搗五千杵內蜜更搗一萬
杵丸如小豆大強者服二丸弱者服一丸水下入腹

雲行四布通徹表裏即得安瘥如病在膈上吐膈下痢或蛇虫諸毒五色熱水或不吐下便後漸除瘥萬蠱妖精狐狸鬼魅諸久痼癖塊皆消散在表汗出在裏直下忌名其藥故此方無名也

七寶丸

出直指方

治蠱毒

破鼓皮

蠶退

各燒存性

刺蝟皮

五倍子

續隨子

硃砂

研

雄黃

研

右等分為細末糯米稀粥糊丸桐子大每服七丸空

心熟水下

犀角散 治中五蠱下血咽嗑妨悶

犀角

三兩

蘘荷根

四兩

黃連

二兩

升麻

三兩

茜根

一兩

當

歸

切焙
三兩

殺羊角

三寸
炙焦

右粗搗篩每服五錢以水一盞半煎七分去滓不拘
時溫服一方有苦參無茜根

奪命丸

一名大乙
追命丹

治五蠱及惡氣心腹脹滿時作喘

心痛聚積及疝瘕宿食不消吐嘔噦寒熱瘰癧

方見
諸毒

類

殺羊皮散 治中蠱毒腹內堅如石面青黃小便淋瀝

無常病肘後古今錄驗方俱云用鐵精烏雞肝和丸

酒服三丸再甚者不過十日千金用後方疑千金語

殺羊皮方五寸犀角芍藥黃連牡丹各一兩藁

荷四兩梔子仁七枚

五錢

右呖咀以水九升煮取三升分三服一方無芍藥牡

丹梔子用苦參當歸蠱即出席云余與一人應時吐

蜂兒數升則瘥一方羚羊角無羊皮不拘時候溫服

五蠱湯

一名犀角散

治諸蠱毒噎喉妨悶

犀角屑

三兩

蘘荷根黃連

絳草

即茜根也

當歸

各三兩

殺羊皮

方二寸炙

右以水七升煮取二升分三服忌猪肉冷水

丹砂丸

一名雄硃丸出百一選方

治蠱毒從酒食中著者

辰砂

別研雄黃五錢

赤脚蜈蚣

一條

續隨子

一兩

麝香

一分

右為末糯米飲為丸雞頭大若覺中毒即以酒下一

九蛇蠍所螫醋磨塗之其藥端午日合妙

丹砂丸

出聖惠方

治蠱毒

雄黃

別研硃砂

別研各五錢

藜蘆

畧炒

鬼臼

巴豆

去心皮各一錢

右為細末煉蜜和丸如豆大每服三錢空心煎薑湯送下當轉惡物并蠱等如煩悶後以鴨為美食之

皂莢散

出聖惠方

治蠱毒

猪牙皂角

一兩去黑皮塗酥炙黃焦去子用

木香

五錢

雄黃

細研一錢

天

麻

一分

當歸

微炒

右羅為散每服不論時以煎水調下一錢

治人得藥雜蠱方

出千金方

斑猫

六枚桂心

藜蘆

各如指大

釜月下土

如彈子大

右治節水服一錢下蠱蛇蝦蟆蜥蜴毒俱出

化蠱丸

一名如智丸

常治諸般蠱痛

硫黃

研一兩

木香

蜜陀僧

煨三分

附子

炮製去皮臍別為末一兩

右除附子別研外搗羅為末先將附子末用米醋一

盞熬成膏入前藥末丸如桐子大每服十九荊芥湯

下空心食前服蠱化為水乃愈

升麻湯

出聖惠方

治初中蠱毒

升麻

桔梗

炒

栝蒌根

各一兩

右粗搗篩每服三錢以水一盞煎七分去滓不拘時服

治蠱毒方 令病人唾水中沉者宜用

巴豆

兩粒去臍尖心膜

豆豉

十七粒

竈額上煤

二錢一用釜底墨

右同研細以生甘草水作一服調下或吐血或瀉血

內有如蛇形及蛭蝶蜚蠊蜘蛛蟻之類即效如有
患者先令嚼大豆一合如口內覺豆腥即不是蠱毒
若覺甘美便是蠱也速服此藥一方白蜜為丸甘草
湯下一方飯為丸溫酒下一方適水為丸如彈子大
一丸新汲水磨下若毒在膈即吐出在腹即瀉下茅
香湯下

赤蜀丸 治五蠱下痢去膏血

羌花 一升 巴豆

一百粒去
心皮炒

赤蜀

一方
一寸

右搗篩以蜜丸更搗丸如胡豆大水服一九如痢不止以清粥汁止之不效小增之欲令陰除不令大下忌蘆筍狗肉

桃白皮散

出聖惠方

治蠱毒喉中如物嚙嚙之不下吐不

出或下鮮血漸漸羸瘦腹大食飲不下

桃白皮

五月五日採陰乾臨用去黑皮一兩五錢

大戟剉斑貓

去翅足米炒各

三分

右搗羅為散每服一錢以空心清粥飲調下雖大困

終不損人候吐盡良久食粥飲李饒州云若以酒中
得則以酒服以食中得以食服之一分冷水調下夷
堅志以米泔為丸忌鷄犬婦人見

治蠱毒方

燕屎

三合

零陵香

獨頭蒜

十枚
去皮

右和搗為丸如桐子大每服三十丸水服蠱當隨痢
下而出

礬茶散

出濟
生方

治中諸毒及挑生毒亦解藥草毒嚼黑

豆不腥礬味甘乃中毒之候

晉礬

建

各等分

右為末每服三錢新汲水調下得吐即效未吐再服
若欲驗知是中蠱當令病人唾水中沉者是蠱不見
非也

雄麝散

出濟生方

治五種蠱毒

雄黃末

麝香

各一匙

右生羊肺如脂大以刀開內雄黃等末以肺裏吞之

一方有雌黃末

國老飲 治蠱毒

白礬末 甘草末

右等分清水調下或吐黑涎一兩碗或瀉亦驗魚治
喉痺及嶺南啞瘡

治草蠱術入人喉刺痛此術在西涼更西嶺南人多行
此毒

甘草炙 藍汁

右搗羅甘草為末每服一錢以藍汁調服

治草蠱毒入人咽喉刺痛以及中蠱下血維肝日夜不

解欲死者方

出千金方

桔梗

剉炒

犀角 鎊

各一兩

右搗羅為散每於食前以煖酒調下三錢即愈七日

止當食猪痺補之

東坡雄黃丸

出直指方

治蠱毒及蛇獸毒

雄黃 明白礬

生研等分

右端午日研細鎔黃臘為丸如桐子大每服七丸念藥王菩薩藥上菩薩七遍熟水送下

蜜髓煎

出聖惠方

治中蠱毒令人腹內堅痛面青黃瘦變

無常候

猪骨髓

研五兩

蜜

一碗

右同煎令熟分為十服三四服即瘥

化毒丸

出聖惠方

治蠱毒難愈喉中妨悶瘦瘵

胡燕屎

炒一合

獨頭蒜

五枚

右同搗如膏丸如杏仁大每空腹以清粥飲下十丸至十五丸其蠱化作鮮血一方有零陵香

馬兜鈴根湯

出聖惠方

治五種蠱咽中有物嘔吐不出悶

亂不卧心熱不能食

馬兜鈴

一兩

蘘荷

五錢

右粗搗篩每服三錢以水一盞煎至七分去滓不拘時候頓服其蠱並吐出一方單用馬兜鈴煎水服如要吐出蠱者用麝香溫水服之即出愈

治蛇蠱方

出千金方

治蛇毒入菜巢中食之得疾

右用大豆末以酒漬絞取汁服半升

治蠱氣方

方見本門治蠱毒類

治蠱方 犯此病者小便不通

用五六月間菜園內尿缸中隔宿新浸死蝦蟆大者以巴豆八粒乾葛甘遂各五錢放口上填入令盡用麻線縫合却將兩片銅瓦合住兩頭用黃泥固濟柴炭煬透內藥焦乾為末不可太過微赤色為妙取出

研末每服三錢酒下其病深於小便內下小兒加減
之已死人用硬物斡開口灌下仍用手揉其肚立效
治挑生 雷州民康材妻為蠻巫林公榮用鷄肉挑生
值商人楊一善醫療與藥服之纔食頃吐積肉一塊
剖開筋膜有生肉存已成鷄形頭尾嘴翅悉具康因
訖州捕林至獄而呼楊生令具疾症用藥畧云凡啜
魚肉瓜菓湯茶皆可挑生初中覺胸腹稍痛日漸加
刺滿十日則物生能騰上胸痛沉下則腹痛漸瘦悴

此候也昔陳可大知肇慶府脇下忽腫起如生癰瘡頃刻間其如碗識者云此中挑生毒也候五更以菜豆嚼試若香甜則是已而果然乃用此方

用升麻為末冷熟水調二大錢服之遂洞下瀉出腫即消續煎平胃散調補若在上膈即取之其法用熟茶一甌投膽礬五分於中候礬化盡通呷服良久以鷄翎探喉中即吐出毒物在下膈即瀉之以米飲服礬金末三錢毒則瀉下乃碾人參白朮末各五錢同

無灰酒半升入瓶內慢火熬半日許度酒熟取出即溫服之日一盃五日乃止然後飲食如故

治蠱毒及金蠶蠱毒方

如中毒者先以白礬末令嘗不覺澁而味甘次食黑豆不腥乃中毒也即濃煎石榴根皮飲之不下即吐出虫皆活無不愈者李海之云凡中毒以白礬茶芽搗為末冷水飲之

又方

用菖蒲末一味切焙乾為末以甘草煎湯調下不拘時以病退為度知府張叔潛云平生用此甚驗居官每施此藥

治中一切藥食蠱毒

用續隨子隨多少以熱湯送下毒隨大便痢去

商陸汁方 治蠱毒

用生商陸五兩洗細切用生薑五錢和搗取自然汁半盞五更初服之服了坐半時即睡至旦不動即以

茶一盞投得痢以冷水洗手面便止者韭白粥俟冷
喫三五度便安

鷓鴣酒 治瘴及蠱氣欲死者

以鷓鴣合羊肉熬酒煮服之或單鷓鴣以酒服之

神驗散 治中蠱毒

用相思子三七枚搗羅為散每服二錢以空心溫水
調下服後欲吐且忍之忽便吐不可忍即吐其毒出
少時以稀粥助之勿食猪肉輕者七日瘥

治忽中蠱毒方

出海上名方

用白鷄血不拘多少白鴨血亦得取灌口立解

生漆丸

出直指方

治蠱毒

用正料平胃散用生漆和丸桐子大每服七十粒空腹溫酒下加至百粒

蠱退散

治蠱毒

方見解諸毒類

治蠱毒方

用牡丹根搗為末服一錢每旦一服良溫酒調下

治蠱毒

出肘
後方

取白鵝朮用砂石磨水服

胡荽根汁

出肘
後方

治中蠱毒神驗

用胡荽根一握先剉搗取自然汁半盞不拘時候服之其蠱立下和酒服亦佳

治中蠱毒

出肘
後方

用生玳瑁水磨濃汁飲服一盞即解

治蠱毒咬

用烏雌雞屎炒服之

又方

出聖惠方

用土瓜根大如拇指長三寸切以酒半升漬一宿一服當吐下蠱亦名王瓜

又方

用王瓜根及漿搗汁服當吐宜少進之有小毒故也
檳榔散 治諸蠱在臟腑久不瘥

用檳榔剉五錢搗羅為散每服一錢至二錢以葱蜜

湯調下空心食前服

馬兜鈴根湯

出聖惠方

治五種蠱毒及草蠱術在西涼處

嶺南人若行此毒入人咽喉刺痛欲死者

用馬兜鈴根一兩細剉以水一盞煎至七分去滓空
腹頓服即時吐蠱未吐再服以快為度一方用苗為
散溫水調服一方用根搗末水服方寸瘥

麝香散

出聖惠方

治五種蠱毒蛇食飲中得之咽中如有

物咽不下吐之不出悶亂不得卧心熱不食

用麝香研一錢分為二服以溫水空腹調下吐出蠱毒為效

獨效飲

出聖惠方

治蝦蟆蠱及蚪蚪蠱其病得之心腹脹

口乾思水不能食悶亂大喘急氣發

用車脂半升漸漸服之其蠱即出一方溫酒烱令熱

漸漸服之

車脂乃車中膏油也

猪脂方

出聖惠方

治蠅蜋得之胸中或哽噎怵怵如蟲行

欬有血咽喉臭氣出

用猪脂半合服之其蠱即下或吐之自消也

治一切毒方

出肘後方

取膽子礬為末用糯米糊丸如鷄頭大以硃砂為衣以空心服之冷水化一丸立瘥

治諸蠱毒方

用鰻鱺魚乾為末空腹食之三五度瘥一方燒炙之令香食尤佳鰻鱺魚有五色文者良

治蠱症方

方見本門解蠱毒類

又方

用黃瓜樓根乾者二兩搗以綿裹酒一升漬去渣溫服少時吐蠱出後煮粥一兩盞吐痢即斷不斷煮人參甘草炙生薑各一兩服之

又方

出聖惠方

用猪膽導下部至良一方以猪膽瀝內下部中以綿深導內塞之

又方

出肘後方

用隱蔥草汁飲一二升此草桔梗苗人皆食之若蠱
已食下部肚盡腸穿者取長股蝦蟆青背一枚鷄骨
一分燒為灰合內下部令深入

犀角散

出肘後方

治療蠱狀如鬼氣者

以犀角射香雄黃為散每日空心及晚食前溫水調
下一錢或帶此於身防預急用甚妙

又方

出肘後方

用猪肝一具蜜一升共煎之令分為二十服

解毒散

出肘後方

治蠱毒

方見解諸毒類

薺芫湯

出危氏方

治蠱毒

凡毒多因假毒藥投之覺時宜煮大豆甘草薺芫汁飲之

治飲食中蠱毒令人腹內堅痛面黃青筋露骨立病變無常

用桑木心剉解着釜中以水淹之三斗水煮取二斗澄清微火煎五升宿勿食旦服五合則吐蠱毒出亦

可治中蠱吐血肘後用棗木心

鐵精丸

出聖惠方

治食中有毒腹內堅痛兩目青黃瘦悴

瀝露骨立病變無常

用鐵精不拘多少搗羅為末研生鷄肝和丸如桐子

大曝乾每服五丸至七丸溫酒下

鐵精乃煨灶中如漉紫色輕者

為佳

五蠱丸

出醫方大成

治蛇蠱蜚蠊蠱蝦蟆蠱蚪蚪蠱草蠱

含升麻煎汁妙一方治虫蠱毒為末溪水調服

治黃腫蠱氣通身黃者

出聖惠方

用瓜蒂焙乾三四錢細末每用半字於鼻孔中吹上

日一度併吹三日如不愈後用黃芩末煎湯調下五錢

治飛尸遊蠱著喉中氣欲絕者

出聖惠方

以鷲尾根削去皮內喉中磨病處令血出佳

治百蠱不愈方

出聖惠方

右取鵲鴿熱血隨多少服之

又方

出聖惠方

右取越燕頭血隨多少服之

甘草湯

出聖惠方

治凡畏忌中蠱欲死

右甘草五錢生用以水一大盞煎至五分頓服之當吐痰出若單要預防蠱者宜熟炙煮汁服即內消不吐神驗

治中蠱心痛方

出肘後方

以及欲呼蠱主姓名

右取敗鼓皮一片燒灰細研粥飲調服二錢病人須臾自當呼蠱主姓名可語便去則便愈亦有蛇蛭合

作蠱毒着飲食中使人得瘕病此一種積年乃死療之各自有藥又藁荷葉密着病人卧席下其病人即自呼蠱主姓名也一方水和服之令病人即喚蠱主姓名其蠱便瘕此症係被他人飲食中所有此病當令病人吐唾入水沉是浮者非也其蠱狀令人心腹切痛如有物咬或下血不即治之蝕人五臟盡則死矣

寄生散

出聖惠方

治中蠱毒令人腹內堅痛面目青黃形

露骨立病變無常

用桃樹上寄生搗羅為散每服三錢不拘時候如茶

點服之

萬病丸

一名五
蠱黃丸

治蠱注四肢浮腫肌膚消索欬逆腹

大如狀死後轉移家人

方見食牛馬猪
犬魚蟹中蠱類

相思丸

出聖
惠方

治猫鬼眼見猫狸及雜所聞

相思

一枚
范麻一枚

巴豆一枚
皮心去

硃砂

二蠟
分三錢

右合搗令先取麻子許大含之即以灰圍患人前頭

旋吐藥於灰中吐盡即止灰上作十字其貓皆死

治中蠱毒

用預知子根冬月採陰乾石臼內搗下篩凡中蛇毒則水煎三錢溫服立效

又方

出聖惠方

用臘月豬脂小兒頭髮灰相和熱酒調下一錢療內脹病并蠱症中惡等以及蜂百毒溪毒射工

雄黃 真丹砂

別研

礬石

各一兩

生礬

三兩五錢燒之

鬼白

一兩五錢

蜈蚣

一枚赤足者少炙

斑猫

去翅足

附子

炮各七枚

龍膽

五錢

藜蘆

七分炙

杏仁

四十枚去皮尖熬

右搗篩蜜和搗千杵內脹病中惡邪氣飛尸遊走皆水服二丸如豆大若積聚堅結服四丸取痢洩下虫蛇五色若蛇疰病中惡邪飛尸遊走皆二三丸以二丸磨痛上若蛇蜂百病若中溪毒射工其服者視强弱大小及病輕重加減溫水服二丸

治中蠱毒諸毒人有行蠱毒以病人者若中之當服

藥如知其姓名便呼取以去也凡診法中蠱狀令人
心腹痛如有物咬或吐下即治之蝕人五臟盡即死
欲知是蠱當令病人吐水沉者是浮者非也有以虫
蛇作蠱病飲食中使人得瘕病此一種一年內治可
愈江南山間人有此不可不信之南方有蠱毒處於
他家飲食即以犀角搗之白沫竦起即知有毒無則
無毒也

解中蠱毒造蠱之家用毒有日如正月則用初二

月二日三月三日四月四日五月五日六月六日七月
七日八月八日九月九日十月十日十一月十一日十
二月十二日延平有僧惠全者刊板以警悟人凡蠱
毒有種皆治

辟蠱毒 取生瑤瑁甲帶之凡遇飲食有毒則必搖動
死者則不能神矣薛王之鉏南海人獻生瑤瑁者王令
揭取上甲二月二繫於左臂遇毒瑤瑁甲自動歸乃
養於便宅後池河其揭處復生還遣送舊處無傷矣

治草蠱其狀入咽刺痛痛欲死者

以胞衣一具切曝乾為末熟水調一錢下最療蛇蠱
蜚蠊草毒等

治蠱狀如蝸牛食下部痒

取篇竹一把水二升煮熟五歲小兒服三五合隔宿
食明早服之尤佳

治蠱毒

以茜根酒煎服

治蠱

用麥苗煮取汁細細服之

治蠱飛尸

取象碗子中仁碎為粉微煮水服一二錢

治蠱毒

以陳思炭煮服之

治蠱殺虫

以預知子去皮研服有效

試蠱

取椰子殼為酒器如酒中有毒則酒沸起

解蠱毒

以藍汁服之

治中蠱及治下血如鷄肝晝夜不絕臟腑敗壞待死

以白蘘荷煮汁服并卧其葉即呼蚩主姓名 搜神

記云昔蔣士先得疾下血言中蠱家人密以蘘荷置

其席忽然大笑曰蠱我者張小也乃收小小走此解

蠱藥多用之

去蠱毒

用苦耽苗子煮汁服之亦生搗絞汁服

治飛尸遊蠱

以蓼螺生食以薑醋浸之彌佳

治虫蠱

用向東者白蘘荷一把搗絞汁三升服之

治蠱諸毒

欽定四庫全書

以千金藤煎服

療中蠱毒 手脚不隨

以人肝藤用清水磨一彈丸飲之不過三兩服令吐
下諸毒又以獐胞乾之湯摩如鷄卵許空腹服之

治蠱毒

以槔藤子燒作灰為末酒調服之

治蠱毒

以千里及煮服之吐下

治蠱毒

取鹽麩子乾搗為末食之

治蠱毒 中惡腹內不調者

以研藥剉水煎服之海藥云出南海諸州根如烏圓
小封生也

治飛尸蠱毒

以紫珠煮汁服之

治中蠱毒草毒

以頭垢用米飲或酒化下並得以吐為度

治中蠱

以蠱虫燒為黑灰水少許下立愈按敗鼓皮注云服敗鼓皮即喚虫主姓名又云古人遇算造虫圖富取百虫甕中盛經年間開之必有一虫盡食諸虫即皆名為蠱能隱形似鬼神與人作禍然中是蠱鬼咬人至死者或從人諸竅中出信候取之曝乾用之

廣南衛生方挑生

胡蔓草胡蔓葉如茶其花黃而小凡一葉有百竅漬
血人無復生廣西愚民私怒如以自斃家人覺之急
取抱卵不生鷄兒細研以麻油灌之吐出惡物而甦
少遲不可救矣如人誤服此藥者止以前法解之

治蠱毒甚佳

用石垂子四月採焙乾生搗羅蜜丸服

療蠱毒

以故錦燒灰煮汁服

治中藥患蠱毒

用山豆根不拘多少和水研服少許不止再服

通大小便并瀉蠱毒

以白商陸煎服得大蒜良

治蠱毒中惡

用錨墨以酒或水細研溫服之

療蠱治諸毒

取預知子二枚綴衣領上遇虫毒物則聞其聲當便

知之

炒桃仁 解山嵐氣及蠱毒有驗法

桃仁

一把

茱萸

四兩

青鹽

四兩

如無

食鹽亦得

右用同炒桃仁黃熟了將桃仁茱萸鹽入於磁罐內
封閉一七日後取出除了茱萸鹽只將桃仁去皮尖
後時時嚼三五顆祛山嵐毒氣曾經使有效或有去
廣者兵士望施散與

又方

貝母末

右每服半兩令病人盡其酒量劇飲良久酒化為水
從傷處出候出盡又以貝母末塞口妙不可加

夷堅志云有病此夢道人示頌似犬非犬似猫非猫烹
而食之其病自消覺而有狐入其室殺而爛煮食之腹
自消白氏六帖云青丘狐食之令人不蠱本草孟鏡云
狐補虛又主五臟邪氣虫毒發寒熱

萬病解毒圓治蠱毒挑生毒藥毒草毒畜獸

文蛤

即五焙子
一兩五錢

山茨菰

金灯花根
一兩洗焙

全蝎

五枚

大山豆

根

續隨子

取仁去油留
性各五錢

麝香

一錢

硃砂

雄黃

各二

錢

紅芽大戟

洗焙七
錢五分

右先以五味藥入木臼搗羅為散研麝隨子硃砂雄

黃夾和糯米糊丸作三十五丸端午七夕重陽臘日

淨室修合每一丸生薑蜜水磨下并井水浸研傳所

患處解毒收瘡收病神妙硃砂雄黃乃收其毒第一

用也一方無山豆根

解虫毒方 頃有朝官與一高僧西遊道由歸峽程途
荒遠日昃餒其小村舍間有食而勢必就去住未判
僧曰有神咒可無憂也食至僧閉目誦持俄見蜘蛛
緣碗吻曰速殺之於是竟食無所損咒曰姑蘓啄摩
耶吾知虫毒生四角父是穹窿母是舍耶女眷屬百萬
千吾今悉如汝摩薩薩訶時同行者競傳其所至無
恙傳解毒方用

豆豉

七枚

巴豆

去皮
二粒

右入百草霜一處研細滴水丸菜豆大以茅香湯吞
下七丸

槲皮湯 治虫毒

用槲皮木北陰白皮一大握長五寸細剉以水三盞
煎至一盞去滓溫服空腹頓服得吐即愈

豆真圓 治中蠱不深久之變為鬼瘡或中氣結邪或
胸藏痰癖或口中血出或中惡或驚魘或入邪在裏
或產婦胎衣不下或至馬刀腫癰處女經水不調

女青

二兩五錢

蘭草

白兔藿

丹砂

研各一兩

犀角

鎊

馬先蒿

皂角

酥炙去皮子

藺茹

各五錢

巴豆

十粒去皮心膜炒紫

研色

右除別研外搗羅為末蜜為丸如棗豆大每服十九夜半冷水送下

治蠱毒方

白鴿毛糞燒灰以粥飲服之二錢日三四服一方治急蠱飲調方寸愈

治蠱毒

用獨行根水煮三兩取汁服

導引法 治一切蠱毒

以兩手著頭相叉坐地緩舒兩腳以兩手從外抱膝
中低頭入曲膝間兩手交叉頭十二通愈蠱毒及三
尸毒腰中大氣又云常度日月星辰清淨以鷄鳴安
身卧漱口咽之調五臟殺蠱蟲令人長生治心腹病
又云治百病邪蠱當正卧閉氣內由丹田以鼻徐徐

納氣令腹急滿徐徐以口吐之勿令有聲令入多出
少以微為度由是五臟各如其形色又存胃中令鮮
明潔白為素明晨倦極汗出乃止以粉粉身摩掌形
體汗不出而倦者亦可止明復為之又當存作大雷
電隆隆走入腹中為之不止病自除

普濟方卷二百五十二